



FRANKLIN COV TSEV KAWM ZEJ TSOOM

CHEEB TSAM TSEV KAWM NTAWV

TSAB NTAWV CEEB TOOM TXHUA XYOO NTAWM FAB KEV KAWM TSHWJ XEEB
COV TXHEEJ TXHEEM UA NTAUB NTAWV XA MUS THIAB KEV LUJ XYUAS

2023-24

Nyob ntawm xav tau, Franklin Cov Tsev Kawm Zej Tsoom Cheeb Tsam Tsev Kawm Ntawv yuav tau luj xyuas tus me nyuam seb puas tsim nyog tau txais kev kawm tshwj xeeb. Qhov kev thov kom muab kev luj xyuas yog tsab ntawv xa mus. Thaum tsoom fwv tsev kawm ntawv tau txais tsab ntawv xa mus lawm, tsoom fwv tsev kawm ntawv mam li txib Ib Pab Neeg Npaj Kev Kawm Rau Qee Leej (IEP Team) los txiav txim xyuas seb tus me nyuam puas muaj kev nyuab kawm tsis tau, thiab seb tus me nyuam puas tsim nyog tau txais kev kawm tshwj xeeb. Tsoom fwv tsev kawm ntawv tshawb nrhiav, txheeb xyuas, thiab luj xyuas cov me nyuam txhua tus muaj kev nyuab kawm tsis tau uas lawv niam & txiv tau coj tuaj sau npe kawm rau hauv cov tsev kawm ntawv ntiav (xam cov tsev kawm ntawv teev hawm tib si), cov tsev kawm ntawv phaj pib, phaj nrab thiab phaj siab nyob rau hauv cheeb tsam tsev kawm ntawv.

Tus kws kho mob, tus neeg kho mob, tus psychologist, tus social worker, los yog tus thawj tswj ib lub koom haum khiav hauj lwm pab neeg uas nws ntseeg tias tus me nyuam tau coj tuaj rau nws muab kev pab ntawd yog ib tug me nyuam muaj kev nyuab kawm tsis tau, nws muaj cai xa tus me nyuam, xam tus me nyuam tsis muaj vaj tse nyob tib si, mus rau tsoom fwv tsev kawm ntawv ntawm cheeb tsam tus me nyuam nyob. Ua ntej yuav xa tus me nyuam mus, tus neeg yuav ua ntaub ntawv xa mus yuav tsum ceeb toom rau tus me nyuam niam & txiv tias yuav ua ntaub ntawv xa mus.

Lwm tus, xam niam txiv tib si, uas ntseeg tau tias tus me nyuam yog ib tug muaj kev nyuab kawm tsis tau, yuav xa tus me nyuam, xam tus me nyuam tsis muaj vaj tse nyob tib si, mus rau tsoom fwv tsev kawm ntawv ntawm cheeb tsam tus me nyuam nyob los tau.

Kev xa mus yuav tsum yog sau ntawv xa mus thiab teev qhov txeej xwm seb vim li cas tus neeg ntawd thiaj ntseeg tias tus me nyuam yog ib tug muaj kev nyuab kawm tsis tau. Kev yuav xa mus ntawd hais mus rau Leo Eckman, Thawj Tswj Fab Kev Kawm Tshwj Xeeb, Franklin Cov Tsev Kawm Zej Tsoom Cheeb Tsam Tsev Kawm Ntawv, ntawm 414-525-7639, los yog sau ntawv mus rau nws ntawm 8255 W. Forest Hill Avenue, Franklin, WI 53132-9705.